



PRÆFATIO AD LE-
CTOREM.

PER spineta ad roseta per-
que aspera ad astra ascen-
dendum esse verum ac tri-
tum sermone est prover-
bium, nemoque hoc ne-
gabit, nisi qui ipsi contradicere velit
experientia rerum omnium Magi-
stræ: Nam quis est, qui ignoret viam
ad virtutis & eruditionis palatium
primò esse asperam durisque variisque
errorum, laborum, vitiorumque la-
byrinthis & spinis obsitam, ita ut
multa ferre, facere, sudare & algere de-
beat is, ad altiorem eruditionis gradum
pertingere qui cupiat? sed quis etiam
est, quem lateat fructus eruditionis es-
se jucundos? proinde nucleum hunc
edere qui cupit, nucem frangat necesse
est, nihilque moretur graves & arduas
curas remorasque, ut à viâ Virtutis re-
giâ se deterrere patiatur, nihil etiam
curet blandas voluptatum & vitiorum
Sirenes, ad quas facilis datur des-
lus,

A

sus, sed cum prudente Ulyssæ agres
 lutô muniat Sapientiæ, ne per jucun-
 dam hanc dulcedinem ad detestandâ
 amaritudinem, per fallacia hæc rosæta
 ad execranda spineta, per voluptuosa
 hæc viridaria ab astris ad rastra dedu-
 catur ignominiosa. Cum itaque
L. B. & ego spinosi & asperi quid laboris,
Juniperum videlicet, Tibi offeram, mo-
nendum te esse putavi, ne à spinetis hisce,
 ut videntur, vultum benevolum pri-
 mō statim intuitu amoveas, aut for-
 mâ ipsius tenui satisque asperâ deter-
 rearis ab ulteriori virtutum ipsius
 consideratione, cum sub viliori etiam
 habitu ac palliolo latere interdum so-
 leat Sapientiæ; nec formæ, sed potius
 virtutis sit habenda ratio, credasque
 te, præter morem, ab hisce spinetis posse
 decerpere ficus uvasque sanitatis dul-
 cissimas; Propterea JUNIPERUM tan-
 quam vulgarem asperamque plantam
 ne contempnas, nec sola admires exo-
 tica ac pretiosa, spem tamen sæpè fal-
 lencia, sumtusque perdentia medica-
 menta, sed potius hæc tibi sit chara,
 quæ non cara & rara, sed in patriâ ti-
 bi nascitur tellure, Deoque tuo gratias
^{agere} quod naturam omnibus abunde
 instauravit, quæ ad salutem corporis
 tui

tui pertinere videntur, cumque domesticis morbos arcere liceat medicamentis, quid quæso opus est exoticæ sine causa tam anxie conquirere & sæpe talia, quæ temporis diuturnitate ac tempestatibus injuriâ corrupta aut adulterata sunt? sicut præclare hac de re loquitur *Sennertus lib. de consens. & dissens. Chim. cap. 18. p. m. 664.* Tale itaque tibi sisto in *Junipero* medicamentum, quod in magnis variisque morbis certissimum est Asylum domesticum, tale, inquam, quod Panacæ nomine reverâ sit dignissimum, tale, quod curiosam virtutum suarum disquisitionem & admirationem probe meretur: Propterea & ineffabilis *Juniperi* utilitas atque incomparabilis ipsius dignitas me movit, ut COLLEGIO NATURÆ CURIOSORUM NOBILISSIMO præter meritum associatus hanc præ aliis elegerim vegetabilibus de quæ illa TRACTATUM CURIOSUM, hoc est ad normam & formam S. R. I. COLLEGII NATURÆ CURIOSORUM elaboratum, conscripserim, quoniam hic locorum tam frequens usus est *Juniperi*, ut omnibus ferè morborum generibus debellandis tanquam universale opponatur medicamentum, & hæc

A 2 etiam

etiam fuit occasio naturam & Vires
Juniperi partiumque illius melius co-
 gnoscendi, dum enim consuetudinem
 hominum ut alteram naturam imitari
 ægrisque medicamenta asserere exhibere
 commodum judicarem, *Junipero*
 in exhibendis medicamentis, tam per
 se, quam aliis admixtis, in primis sum
 usus, quæ opinio etiam me non fefel-
 lit & *Juniperus* partesque ejus spem &
 expectationem cum meam tum ægro-
 rum, non expleverunt solum, sed po-
 tius, ut candidè loquar, superarunt,
 unde tantò cum successu, sicut ex infra
 dicendis patebit, *Juniperinis* usus sum
 medicamentis, nec observationes de
 illis effectusque propriam finxi auctori-
 tate, sicuti falsa de Viris optimæ me-
 ritis Calumniatorum & Momorum
 audiivi judicia & inanes calumnias,
 velex proprio jam medicamentorum
 excogitavi formulas cerebro, DEUM
 enim τὸν καρδιογνώστην meamque te-
 stor conscientiam omnia non aliter
 esse gesta & exhibita præparatave,
 meque nihil reticuisse aut occultasse,
 sed omnia sic evenisse prout annotata
 B. L. inveniet, quæ omnia, ut & mul-
 ta alia hætenus à me nemini, nec A-
 micissimis communicata, jam candidè
 revelo

revelo & communico, sperans, quòd licet exiguus hic meus labor parùm laudis, candor tamen meus aliquid sibi meriturus commendationis Quod autem ex aliis multa addiderim Autoribus, non ad ostentationem illud operisquæ prolongationem factum est, sed ideo præstantissima quæque ex Autoribus collegi & elegi, ut meæ de *Junipero* qualescunque observationes majorem fidem acquirerent & testimonio quasi aliorum confirmarentur, maximò itaque B. L. rogo quæsoq; opere, ut hoc in pejorem partem ne rapiat, siquæ voto & expectationi non satisfaciam, cogitet

in rebus magnis & voluisse satis:

Hiscæ fructu B. L. & Vale, siquæ hæc placuerint meliora imposternum expectato.

Te verò supplex superi ô Regnator Olympi ore animoque precor nostris benedicere cœptis ne dedigneris, mentem Tua gratia nostram instruat & quæ jam. Duce TE, presente libello

illa edet faxis nunc in laudesque decusque nominis hæc vergant divini & plurima præstent

commoda terrigenis, id enim nostra unica meta est:

A 3

Sis

6 PRÆFATIO AD LECTOREM.

*Sis porro facilis mihi propitiusque Creator
omnibus & votis, frustra frendente cohorte
invidie stimulis agitatâ, adscribere FIAT
atque audire vocem servine, quæso, recuses.
Sic nomen laudesque Tuas cantabo per æ-*

vum,

*quando diem serus componet vesper Olympo,
& quando surget lecto Tithonia conjux
ac roseâ Lucem claram dat lampade terris.*

CAP.